

**BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINSKI SUD U SARAJEVU**

Broj: 65 0 St 1069461 23 St
Sarajevo, 23.08.2024. godine

Općinski sud u Sarajevu, stečajni sudija Zlatan Bilić, u stečajnom postupku nad imovinom stečajnog dužnika „ELMAX-INŽINJERING“ društvo za proizvodnju, projektovanje i promet d.o.o. Sarajevo, sa sjedištem u ul. Safvet bega Bašagića br. 69-a, Sarajevo, Sarajevo-Stari Grad, van ročišta dana 23.08.2024. godine, donio je slijedeće:

R J E Š E N J E

OTVARA SE stečajni postupak nad imovinom stečajnog dužnika dužnika „ELMAX-INŽINJERING“ društvo za proizvodnju, projektovanje i promet d.o.o. Sarajevo, sa sjedištem u ul. Safvet bega Bašagića br. 69-a, Sarajevo.

Za stečajnog upravnika se imenuje Siniša Lužajić iz Sarajeva, ul. Džemala Bijedića br. 37/9 Sarajevo.

Određuje se upis zabilježbe rješenja o otvaranju stečajnog postupka u sudskom registru Općinskog suda u Sarajevu u matičnom registarskom broju subjekta upisa broj: 65-01-517-11 (stari broj: 1-15058).

Zbog nedostatka stečajne mase za pokriće troškova stečajnog postupka ovaj stečajni postupak se neće provoditi, te se isti i ZAKLJUČUJE.

Nakon pravomoćnosti ovog rješenja, isto će se dostaviti Odjeljenju registra privrednih subjekata Općinskog suda u Sarajevu, radi brisanja stečajnog dužnika u matičnom registarskom broju subjekta upisa broj: 65-01-517-11 (stari broj: 1-15058).

Troškovi stečajnog postupka padaju na teret stečajnog dužnika.

Ovo Rješenje će se objaviti u "Službenim novinama FBiH", na oglasnoj tabli suda, web stranici suda-elektronskoj tabli suda i na internet stranici FIA-e.

O b r a z l o ž e n j e

Rješenjem ovoga suda broj gornji od 15.03.2024. godine pokrenut je prethodni postupak radi utvrđivanja postojanja uvjeta za otvaranje stečajnog postupka nad imovinom stečajnog dužnika „ELMAX-INŽINJERING“ društvo za proizvodnju, projektovanje i promet d.o.o. Sarajevo, sa sjedištem u ul. Safvet bega Bašagića br. 69-

a, Sarajevo, te je za privremenog stečajnog upravnika imenovana Siniša Lužajić iz Sarajeva.

U prethodnom postupku privremeni stečajni upravnik je dana 16.05.2024. godine dostavio Izvještaj o poduzetim radnjama i stanju imovine u toku prethodnog postupka u privrednom društvu „ELMAX-INŽINJERING“ d.o.o. Sarajevo, u kojem je, između ostalog, navedeno da je prijedlog za pokretanje stečajnog postupka dopušten i pokrenut od strane ovlaštenog lica društva, da je postoje razlozi za otvaranje stečajnog postupka (u smislu člana 6. stav 1., 2., 3. i 5. Zakona o stečaju Federacije Bosne i Hercegovine ("Službene novine Federacije BiH", br.: 53/21)) i to: da je kratkoročno i dugoročno platežno nesposoban (račun blokiran račun od 14.10.2022. godine); da nema imovine koja bi eventualno činila stečajnu masu ili pokrila troškove stečajnog postupka, pa kako privredno društvo ne posjeduje imovinu, a time ni stečajnu masu, potrebno je da se predujme sredstva za vođenje stečajnog postupka u iznosu od 6.000,00 KM. Shodno navedenom, na ročištu održanom dana 01.07.2024. godine, saslušan je Siniša Lužajić, privremeni stečajni upravnik, te je isti iznio izvještaj od 16.05.2024. vezano za vođeni prethodni postupak utvrđivanja postojanja uvjeta za otvaranje stečaja nad privrednim društvom „ELMAX-INŽINJERING“ društvo za proizvodnju, projektovanje i promet d.o.o. Sarajevo, sa sjedištem u ul. Safvet bega Bašagića br. 69-a, Sarajevo, te je isti zaključio da su ispunjeni uvjeti za otvaranje stečajnog postupka, dok se predlagač, putem punomoćnika, saglasio da se iznos neophodan za pokriće troškova prethodnog postupka koristi u postupku vođenja stečajnog postupka nakon donošenja rješenja o otvaranju stečajnog postupka.

Cijeneći izvještaj privremenog stečajnog upravnika od 16.05.2024. godine, javnim pozivom od 01.07.2024. godine pozvani su povjerioci i zainteresovana lica da u roku od 30 (trideset) dana od dana objavljivanja istog, predlože otvaranje stečajnog postupka nad imovinom stečajnog dužnika. Kako imovina stečajnog dužnika nije dovoljna za pokriće troškova stečajnog postupka to su zainteresirana lica pozvana da izvrše uplatu predujma za obezbjeđenje troškova stečajnog postupka u iznosu od 6.000,00 KM na depozitni račun ovog suda broj 1411965320009639 otvoren kod BBI Banke, uz upozorenje da ukoliko u ostavljenom roku niko od pozvanih ne predloži otvaranje stečajnog postupka i ne uplati određeni predujam, sud će donijeti rješenje o otvaranju i zaključenju stečajnog postupka, a ako zainteresovana lica predlože otvaranje stečajnog postupka i uplate određeni predujam u navedenom roku, sud će otvoriti stečajni postupak i voditi ga u skladu sa odredbama Zakona o stečaju.

Predmetni oglas je objavljen u Službenim novinama Federacije Bosne i Hercegovine broj: 55/24 od 17.07.2024. godine, te je izvršeno javno oglašavanje putem oglasne table suda i web stranice suda-elektronske table suda.

U ostavljenom roku, a ni do dana donošenja ovog rješenja nije zaprimljena niti jedna prijava potraživanja, niti je dostavljen podnesak kojim je neko od povjerilaca ili zainteresovanih lica obavjestio sud da će uplatiti traženi iznos predujma.

Odredbom člana 115. Zakona o stečaju je propisano da stečajni povjerioci mogu svoja potraživanja prema stečajnom dužniku ostvarivati samo u stečajnom postupku.

Na osnovu Izvještaja privremenog stečajnog upravnika, utvrđeno je da stečajni dužnik duži vremenski period nije imao poslovnih aktivnosti i da su računi blokirani, da stečajni dužnik nema imovine iz čije bi se prodaje mogli pokriti troškovi stečajnog postupka tj. nema stečajne mase.

Po Javnom pozivu od 01.07.2024. godine niko od pozvanih/zainteresovanih lica nije predložio otvaranje stečajnog postupka niti dostavio dokaz o uplati traženog predujma za pokriće troškova stečajnog postupka, pa obzirom da nema stečajne mase za pokriće troškova stečajnog postupka, niti je iskazana volja za predlaganje otvaranja stečajnog postupka a time ni predujmljivanje sredstava za pokriće troškova postupka, to sud nije ni provodio stečajni postupka, tj. isti je otvorio i odmah zaključio, shodno odredbi člana 102. stav 8. Zakona o stečaju.

Odluka o objavljivanju otvaranja i zaključenja stečajnog postupka donesena je na osnovu odredbi člana 102. stav 8. i 107. Zakona o stečaju.

Odluka o brisanju pravnog lica iz sudskog registra donesena je na osnovu odredbi člana 108. stav 1. tačka b). Zakona o stečaju.

Stečajni sudija
Zlatan Bilić

Pouka o pravnom lijeku:

Protiv ovog rješenja dozvoljena je žalba. Žalba se podnosi Kantonalnom sudu u Sarajevu putem ovog suda u 3 (tri) primjerka, u roku od 8 dana od objave rješenja u "Službenim novinama FBiH".